

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 263580 25 St
Tuzla, 15.10.2025. godine

Općinski sud u Tuzli, sudija Antonela Đaković, kao stečajni sudija, u postupku prethodnog ispitivanja prijedloga za pokretanje stečajnog postupka nad dužnikom Društvo za proizvodnju, promet export-import „EMAR“ d.o.o. Gračanica, Gajevi broj 6, Gračanica, dana 15.10.2025.godine donio je

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom dužnika Društvo za proizvodnju, promet export-import „EMAR“ d.o.o. Gračanica, Gajevi broj 6, Gračanica, MBS: 1-9040, JIB: 4209029650005.

Za privremenog stečajnog upravnika imenuje se Selma Helić iz Gračanice, ul. Mustafe Rešidbegović broj 16.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju FBiH (Službene novine FBiH br. 53/21), a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka
- uraditi kontrolu poslovanja stečajnog dužnika
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gračanici i Službi za geodetske i imovinsko-pravne poslove grada Gračanica, radi upisa zabilježbe otvaranja prethodnog stečajnog postupka.

O b r a z l o ž e n j e

Rješenjem suda od 28.03.2016. godine, otvoren je postupak likvidacije nad dužnikom „EMAR“ d.o.o. za proizvodnju, promet, export-import Gračanica, Gajevi 6, a za likvidatora je imenovana Mehanović Najfa zakonski zastupnik društva.

U zakonskom roku, nakon objave rješenja o otvaranju likvidacionog postupka u Službenim novinama FBiH broj 26/2016 od 06.04.2016. godine, prijave potraživanja podnio je povjerilac Federalni Zavod PIO/MIO KAS Tuzla u iznosu 370,10 KM i Kantonalni porezni ured Porezan ispostava Gračanica iznos od 2.489,40 KM.

Na ročištu za ispitivanje prijava potraživanja od 28.06.2016. godine likvidator je izjavio da ne osporava navedena potraživanja ali da nema mogućnosti da ista izmiri i nije siguran da li će biti u mogućnosti da izmiri navedena dugovanja. Društvo nema imovine koju bi likvidator unovčio i koja bi služila za izmirenje dugovanja, zbog svega navedenog sud je dana 28.06.2016. godine donio rješenje broj: 32 0 L 263580 16 L kojim se obustavlja likvidacioni postupak i nalaže likvidatoru ukoliko su ispunjeni uslovi za otvaranje stečajnog postupka da u roku od 15 dana od dana obustave likvidacionog postupka podnese prijedlog za otvaranje stečajnog postupka.

Dana 26.02.2025. godine, Najfa Mehanović kao ovlašteno lice-direktor podnijela je prijedlog za otvaranje stečajnog postupka nad dužnikom Društvo za proizvodnju, promet export-import „EMAR“ d.o.o. Gračanica, Gajevi broj 6, Gračanica, kao stečajni dužnik podnio je dana 28.04.2025.godine, zbog platežne nesposobnosti dužnika koji nije u stanju izvršavati svoje dospjele i potraživane obaveze plaćanja u dužem vremenskom periodu.

Stečajni sudija je zakazao ročište za saslušanje zastupnika predlagača za dan 02.04.2025.godine na kojem je zastupnik predlagača izjavila da u cjelosti ostaje kod podnesenog prijedloga za otvaranje stečajnog postupka, a kao razlog ističe platežnu nesposobnosti i nemogućnost izvršavanja dospjelih i potraživanih obaveza plaćanja u dužem vremenskom periodu, jer društvo nema imovine (pokretne i nepokretne iz koje bi se namirila dospjela potraživanja), zbog čega je i obustavljen ranije pokrenuti likvidacioni postupak rješenjem ovog suda 32 0 L 263580 16 L od 28.06.2016.godine. Društvo ima obaveza prema Poreznoj upravi u iznosu od 2.489,40 KM, kao i prema PIO/MIO u iznosu od 370,10 KM, zbog čega je zastupnik predlagača predložio da sud pokrene prethodni postupak radi utvrđivanja uvjeta za otvaranje stečajnog postupka nad imovinom navedenog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane predlagača i da je isti dopušten u smislu odredbe člana 58. stav 2. i 13. Zakona o stečaju postupku, rješenjem od 02.04.2025.godine naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka. Predlagač je sudu 10.06.2025.godine dostavio dokaz o uplati predujma za finansiranje troškova prethodnog stečajnog postupka u iznosu od 2.000,00 KM (uplata izvršena 15.04.2025. godine). Imajući u vidu dostavljenu dokumentaciju i izjavu zakonskog zastupnika dužnika na ročištu za saslušanje, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se

donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

STEČAJNI SUDIJA
Antonela Đaković

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Tuzli putem ovog Suda.